


DOS HOMBER DEN COVER-ALL ATRAPA CU ARMA RIBA BROMMER



ORANJESTAD (AAN): Ayeratardi Polis a logra di detene dos homber bisti cu

Cover-all na San Nicolas. E forma cu nan tabata riba un

brommer a hala atencion di patruya, muy en particular

cu nan ta bisti cu Cover-all. Manera ta conoci cu den oranan di marduga hombernan bisti cu Cover-all a hit Grand Holiday Casino na unda e asaltantenan a bay cu mas di 375 mil Dollar.

Mesora Polis a para e dos hombernan pa controla nan identidad, como cu dificilmente por a nota nan cara cu ta cubri cu helm.

Polis a para nan cu masha cautela, y durante e control Polis a haya den nan poder dos arma di fuego basta pisa

cu nan balanan!

Mesora Recherche di Playa a worde poni na altura di e caso aki. Ta trata aki di dos localnan di fam Th. y J..

Ambos ta deteni pa mas investigacion, ademas nan lo ta conoci cerca Cuerpo Policial.

Hopi straño ta e hecho cu nan ta bisti cu cover-all y cu arma den nan poder. Ta ki intencion nan lo tabata tin, esaki lo tin cu sali for di e interrogacionnan.

Mientras tanto e investigacion di e asalto di casino ta continua.

CTO/ CHA SU SHOWNAN

ORANJESTAD (AAN): For di Barbados, e Caribbean Tourism Organization/Caribbean Hotel Association (CTO/CHA) pa loque ta e show y e casetanan di productos hunto cu seminarionan tabatin un fantastico start, unda cu esnan cu a atende esaki a hala un 300 agentenan di viaje pa e prome tres show nan na Hartford, Boston y Long Island, y miles mas ta ser spera pa e ocho localidadnan cu a keda.

E serienan aki di CTO/CHA ta exclusivamente dedica pa promove Caribe y provee un acercamiento pa bende e region.

E serie aki di Trade Show a trece e popular "The Sporting Life", seminario educativo presenta dor di Edward Smith, vice presidente di DF-W Toursy CTO Chapter president pa North Texas, unda cu e agentenan di viaje ta haya sugerencia con pa bende usual y no-usual e deporte den Caribe, y e actividadnan di aventura.

E PROGRESO BRIYANTE CU ORGUYO!!

